



Handwritten text on the spine, possibly in a Gothic or similar historical script, including the words "Hundert" and "fische".



Sammelband. Lex. 200

Eyn Sermon von dem Ablass  
 und gnade durch den wir-  
 digen doctorn Martinū  
 Luther Augustiner  
 zu Wittenburg  
 gemacht.



¶ Getruckt zu Leypfzt durch Wolffgang  
 Stöckel in der grymmischen gassen. 1519.



# Eyn Sermon von dem Ablas

vnd gnade/ durch den würdigest doctor  
Martinum Luther Augustiner zu  
Wittenburg geprediget.

¶ Zum Ersten solt yr wissen/ das etzlich new lerer/ als  
Magister Senten. S. Thomas vñ yhre folger geben der  
büß drey teyl/ Nemblich die reu/ die beycht/ die gnugthu  
ung/ Vnd wiewol diese vnderscheyd nach yrer meynung/  
schwerlich adder auch gar nichts/ gegründet erfunden  
wirt in der heyligen schrifft/ noch in den alten heyligen  
Christlichen lerern/ doch wollen wir das ytz so lassen  
bleyben/vnd nach yrher weys reden.

¶ Zum andern sagen sye/ der Ablas nympt nycht hyn  
das erst adder ander teyll/ das ist die Reu adder beycht/  
sunder das dritt/nemblich die gnugthuung.

¶ Zum Dritten. die gnugthuung wirt weyter geteylet in  
drey teyl/ das ist/ Beeten/vasten/almußen/ also/ das beeten  
begreyfft allerley werck der seelen eygen/ als lesen/ tichten/  
hören gottes wort/predigen/leeren vnd der gleychen. Fa  
sten begreyfft allerley werck der casteyung seynes fleyschs/  
als wachen/erbeyten/hart lager/cleyder zc. Almußen be  
greyst allerley gute werck der lyeb vñnd Barmhertzikeyt  
gegen dem nechsten.

¶ Zum Vierden / Ist bey yn allen vngerzweyfelt / das  
der ablas hyn nympt die selben werck der gnugthuung/  
vor die sund schuldig tzu thun adder auffgesetzt/ dan so  
er die selben werck solt all hyn nehmen / blybenichts gut  
tes mehr da/das wir thun möchtem.

¶ Zum Funfften. Ist bey vielen gewest eyn groſſe vnd noch vnbeschlossene opiny/ Ab der Abſas auch etwas mehr hynnehme/ dan ſolche auffgelegte gute werck/ Nemlich / ab er auch die peyne/ die/ die götlich gerechtigkeit/ vor die ſunde / fordert/ abnehme.

¶ Zum Sechſten. Laß ich yre opiny vnuorwoiffen auff das mal/ Das ſag ich/ das man auß keyner ſchryfft bewerer kann / das götlich gerechtigkeit etwas peyn adder gnugthuung begere adder forderer / von dem ſunder/ Dan allein ſeyne hertzliche vnd ware rew adder bekerung myt vorſatz. hynſurder / das Creutz Chriſti zu tragenn/ vnd die obgenanten werck ( auch von nyemand auffgeſetzt ) zu vben/ Dann ſo ſpricht er durch Ezechia. Wan ſich der ſunder bekeert / vnd thut recht / ſo wil ich ſeyner ſundt nicht mehr gedencken. Item alſo hatt er ſelbs all dy abſoluire Maria Magdale. den gichtpuchtigen. Die ebrecherynne ꝛc. Vnd möchte woll gerne hören wer das anders bewerer ſoli. Vnangeſehen das eglich doctores ſo gedaucht haben.

¶ Zum Sibenden. Das findet man woll / das got etzlich nach ſeyner gerechtigkeit ſtraffet/ Alder durch peyns dringt zu der rew/ wie ym. 88. ps. So ſeyn kinder werden ſundigen/ will ich myt der rathen . yhre ſunde heym ſuchen/ Aber doch mein barmhertzigkeit nit vonn yhm wendē. Aber diſſe peyne/ nehet in nyemandes gewalt nach zu laſſen / dan alleyne gottis. Ja er will ſie nit laſſen/ ſunder vorſpricht/ er woll ſie anſlegen.

¶ Zum Achten. Der halben ſo kann man der ſelben geduncken peyn/ keynen namen geben/ weyß auch nyemand was ſye iſt / ſo ſie diſſe ſtraff nyt iſt. auch die guten obgenanten werck nit iſt.

A ij

**¶** Zum Neunden. Sag ich / ob die Christenlich Kirch noch heut beschluß / vnd auß ercleret / das der ablas mehr dan die werck der gnugthuung hyn neme / so were es den nocht tausentmal besser / das keyn Christen mensch den ablas löset oder begeret / sondern das sye lieber die werck thetten vnd die peyn litten / Dan der ablas / nit anderst ist nach mag werden / dan nachlassung gutter werck / vnd heylsamer peyn / die man billich solt erwelen dan vollassen / wiewol etlich der newen prediger zwoyerley peyne erfunden / Medicatiuas. Satisfactorias / das ist etlich pein zur gnugthuung / etlich zu besserung / Aber wir haben mehr freyheyt zuuorachten ( got lob ) sulchs vnd des gleychen plauderey / dan sie haben zu ertichten / dan alle peyn / ya alls was gott aufflegt / ist besserlich vnd zutreglich den Christen.

**¶** Zum zehenden / Das ist nichts geredt / das der peyn vnd werck zu vill seyn / das der mensch sye nit mag volbringen / der kurtz halben seins lebens / Darumb yhm nott sey der ablas / Antwort ich / das diß kein grundt hab / vñ eyn lauter geticht ist / Dan got vnd die heilige kirche / legen nyemand mehr auff / dan yhm zu tragen möglich ist / als auch. S. Paul sagt / das got nit leyst versucht werden yemand / mehr dan er mag tragen / vnd es langet nit wenig zu der Christenheyt schmach / Das man yhr schuld gibt / sye lege auff mehr / dan wir trager können.

**¶** Zum eylfften. Wann gleych die büß ym geystlichen recht gesetzt / igt noch gingen / Das vor ein yglich tod sund syeben Jar büß auffgelegt / were : So müst doch dye Christenheyt / die selben gesetz lassen / vnd nit weyter aufflegen / dan sye eynem yglichen zu tragen weren. Vill weniger / nu sie igt nicht seyn / fall man achten / das nicht mehr auffgelegt werde dan yederman wol tragen kan.

¶ Zum zwelfften. Man sagt wol/ das der sunder mit der vberingen peyn / ins segevor oder zum ablas geweyset fall werden/ Aber es wirt wol mehr dings / am grund vnd bewerung gesagt.

¶ Zum Dreyzehenden. Es ist eyn grosser yrthum das yemandt meyne er wolle gnugethun vor seyne sundt / so doch got die selbenn alzeyt vmb sunst / auß vnschertzlich er guad. vorzeyhet/ nichts darfur Begerend / dan hynfurther woll leben. Die Christenheyt fordert wol etwas / also mag sie vnd fall auch das selb nachlassen vnd nichts schweres adder vntreglichs auflegen.

¶ Zum Viertzehenden. Ablass wirt zu gelassen vmb der vnuolkömen vnd faulen Christen willen / die sich nit wollen kecklich vben in guthen wercken / oder vnleydlich seyn / dan ablas furdert nyemand zum bessern / sondern duldet vnd zulesset yr vnuolkömen/ darumb soll man nit widder das ablas redenn / man fall auch nyemand darzu reden.

¶ Zum Funffzehenden. Vill sicherer vnd besserer thet der/der lauter vmb gottes willen/ gebe zu dem gebewde. S. Petri/ader was sunst genant wirt/ Dan das er ablas darfur neheme/dan es ferlich ist / das er sulch gabe vmb des ablas willen vnd nit vmb gottis willen gibt.

¶ Zum Sechzehenden. Vill besser ist das werck eynem durfftigen ertzeygt/ dan das zum gebewde geben wirt auch vill besser / dan der ablas dasur gegeben / dan wie gesagt. Es ist besser eyn gutes werck gethan/ dan vil nach gelassen. Ablass aber/ist nachlassung vil guterwerck ader nichts nach gelassen.

¶ iij

Ja das ich euch recht vnderweyse. so merck auff: Du  
solt vor allen dingen (widder sanct Peters gebewde noch  
Abblas angesehen) deynem nehsten armen geben / wiltu  
etwas geben. Wan es aber dahyn kumpt / das nyemandt  
yn deyner stat mehr ist der hülff bedarff (das obgotwil  
nymer gescheen soll) dan soltu geben / so du wilt zu den  
Kirchen / altarn / schmuck (kelich) die in deyner stat sein  
Vnd wen das auch nro nicht mehr not ist / Dann aller  
erst / so du wilt: magstu geben tzu dem gebewde. S. Pe-  
ters adder anderswo. Auch saltu dennoch nit das vmb  
ablas willen thun. Dan sant Paul spricht. Wer seynem  
hausgenossen nit wol thut / ist keyn Christen vn erger dan  
eyn heyde / vnd halts darfur frey / wer dir anders sagt /  
der vorfirt dich / ader sucht ye deyn seel in deynem Beu-  
tell vnd fund erpfenning darinne / das were im lieber dan  
all seelen. So sprichstu. So werd ich nymer mehr ab-  
blas lösen. Antwort ich / das hab ich schon oben gesagt /  
Das meyn will begirde / bit vnd radt ist / das nyemandt  
ablas löse / lass die faulen vnd schlefferigen Christen / ab-  
blas lösen / gang du fur dich.

¶ Zum Sibentzehenden. Der ablas ist nicht gebotens  
auch nicht geraten / sondern von der dinger zall. die zu ge-  
lassen vnd erleubt werden: darumb ist es nit eyn werck  
des gehorsams / auch nit vordinstlich / sondern eyn auß-  
zug des gehorsams. Darüb wie wol man / nyemandt we-  
ren soll / den zu lösen / so solt man doch alle Christen dar-  
von ziehen / vnd zu den wercken vnd peynen / die do nach  
gelassen / reytzen vnd stercken.

¶ Zum Achzehenden. Ab die seelen auf dem segfere  
gezogen werden durch den ablas / weys ich nit / vnd ge-  
leub das auch noch nicht / wiewol das etzlich new doc

tores sagen: aber ist yhn vnmüglich tzu bewerten / auch hat es die kirch noch nicht beschlossn / darumb zu mehrer sicherheyt / vill besser ist es / das du vor sye selbst bitest vnd wirckest / dan dis ist bewerter vnd ist gewiß.

¶ Zum Neuntzehenden. In disen puncten hab ich nit zweyffel / vnd sind gnugsam yn der schrifft gegründ. Darumb solt yr auch keyn zweyffel haben / vñ last doctores Scholasticos. scholasticos seyn / sie seyn allsamt nit gnug / mit yhren opinien / das sie eyne prediget befestigen / soltenn.

¶ Zum tzwentzigsten. Ab etzlich mich nu wol eynen leger schelten / den solch warheyt seer schedlich ist ym kassen. So acht ich doch solch geplerre nyt groß / sintemal das nit thun / dan etzlich finster gehyrne die / die Biblien nye gerochen / die Christenlichen lerer nie gelesen / yr eygen lerer nye vorstanden: sundern in yhren löchereten vnd zu rissen opinien vill nah vorwesen / Dan hetten sie die vorstanden so wisten sie / das sienyemandt solten lestern / vnuorhorit vnd vnuberwunden: doch got geb yhn vnd vns rechten synn. Amen.

Faint, illegible text, likely bleed-through from the reverse side of the page.

[Jb Bl. 195 verso]



*Jb 4787<sup>a</sup>*

ULB Halle 3  
003 732 096



*5b*







16.

300

n von dem Ablas  
durch den wir  
tom Martinū  
Augustiner  
ittenburg  
macht.



Leypzig durch Wolffgang  
ymmischen gassen. 1519.

